

三洞三景弟子左領神太上主者三皇五嶽  
 大傳北嶽先生某官道士曾孫小兆真人某  
 甲稽首再拜啓盟上告上啓  
 上上元始上古高上太上大道君元靈老君  
 無量道尊東府太上南極元君丈人西靈洞  
 母北玄一君中宮老君十方太真小臣某甲  
 上啓元君應化經法賜宣今悟今有某甲謹  
 齋法信求時篇目臣以去某歲某月日謹詣  
 某洞先生五靈真人某官道士某郡縣鄉里  
 某對共告盟寶寶珠玉為信啓付三十六部  
 目錄別告八景神真大小劫運度變化空洞  
 周流五嶽大宅靈山今有某州郡先生祭酒  
 某甲奉齋法信五方紋繒金龍玉魚碧珠白  
 銀地布香爐求乞告盟度授寶秘安國救民  
 土地歡樂無有憂患以遊行五嶽諸所經由  
 江湖大澤山川溪谷群靈皆為伺迎龍麟虎  
 豹獅子辟邪常所持會天真地仙履蓋其身  
 法啓度事竟某甲案如修承恩惟  
 上古太上告下三十二天劑某甲死籍斷絕  
 罪根弟子更向東方百八十拜禮三十二揖

向四方散髮臣某甲重啓某山太真靈洞天  
 尋某甲求某告盟某經某山太真當為係舉  
 今某甲壽如靈嶽劫數不衰  
 弟子請告盟頌

浩浩無窮崖 龍麟來奉迎 水母西遊外  
 矣大不復傷 身登玉京闕 飄然凌高翔

太上洞玄靈寶八威召龍妙經卷上



太上洞玄靈寶八威召龍妙經卷下 乃八  
 大道君曰太上元君與上皇無極大帝君遊  
 於崑崙玉京之山又與妙行真人太真君太  
 真丈人從五嶽四瀆諸仙真各二千四百人  
 俱下遊因上請天皇地皇人皇君同降玄都  
 山衆官圍繞臺闕聽講敷演說法爾時有龍  
 淵丈人號曰龍君者復乘將群龍數萬來詣  
 三皇大帝君聽說善法及作功德之事數言  
 無上道德本自尊高虛無無上之上大乘百  
 六運度無極之化勸善教殺生死化導之勤  
 又有九千六百億正真之道並累功積德不  
 可稱數並以道化教導生法執權方便善為  
 拔度諸惡一切死根人行四慈之心濟度傷  
 害橫災天地枯槁人民嗷嗷龍君仍化携將  
 西河沙漢之外無極虞洲地中群龍數千萬  
 負水乘雲彌布天下普蒙洪注灑潤五嶽四  
 瀆之神普與雲羅塵天覆地濟度天下枯渴  
 累日之中水陸普被流潤川谷盈滿浩浩蕩  
 蕩爾時又有上天道絲女二十四萬人導從  
 太上太上無極大帝君蓋天來下偈歌作伎

周四海之內慶觀天民受慶之樂國祚太平。下人人莫不喜踊各復音聲相和其時。大道君道德君太帝君三尊至真神人高聖。妙行真人天帝太皇萬億億億萬衆來躬奉金童玉女大億千萬衆擎持香華蓋天來下奉迎三尊四真無上無極無先元君太帝太尊君大神金童玉女香華玉女嘯歌邕邕與天下地上億千萬神並與數十萬絲女俱進太帝三尊几前長跪肅然爾時龍君又將數千萬龍來伏太帝前良久龍君上白太帝三君自承三皇造化開闢以來未遭陽九百六之運今洪水枯後九千九百歲枯陽蔽淵水母逃匿故使枯陽藏景於九泉之下炎障揚於八極之內萬民枯竭嗷訴上天辭訴云云枯死之人天下三分過半焦煎欲盡三年之後惡運悉盡又召龍君命虞淵令龍君御群龍數千萬衆來施天羅負水灑澤旬月之中枯死者皆得生蘇國土之中十分人民纔餘一分為種見而考之問其何緣獨得偏存枯而不滅也種人曰夫子所以被枯酷而不

絕者正受三官勅校先亡有積善功德世勲相及且一己修身少不履非積勳累德為天官所保地神所長以此學者應在偏仙之列。逆被甄別當驅除火鍊之初天地水三官考儼先世積功相覆已身勲勳功著南宮遺名後代當災之時三奏被勅南嶽君炎障使者悉見濟度之恩并請天帝火珠使者流火飛鍊金真虎符太一金剛赫奕寶章引景神真鳳文真符擁護灑而拂之遂得炎飛仙賢與金口大鳥來濟度得於災中免脫成生見戒積善之行所致善結之感也可不勸修。直也龍君曰積善之功悉從道來夫欲建功積德者當依太上靈真三寶之齋累年積月修習不倦者司命表奏善功於上天天帝曹下勅三官記列功績三災五難尅得度脫齋功尤重可不勸之哉生生之根定矣今撰出為太上八威召龍經施請祝龍於上篇記根原說於下卷也。太上大道君說連也春因枯而得榮唱乃說頌曰

蕩蕩龍君受天至靈 遭時陽九 百六之傾 萬姓煎枯 渴死湖庭 仰天呼嗟 求慈爰撰 叩訴悲喚 煩濁天真 上天感應 呼召龍王 群龍繼身 隱景潛形 藏開虞淵 崖石之砌 八威嚴勅 命召交并 如有龍君 膺帶五星 指叩虞淵 群龍飛鳴 臣御千萬 承受功名 收攝兩師 雲羅上京 三日三夜 灑淵清靜 禾稼豐茂 萬民受生 四時和調 咸亨泰寧 大道君曰贈讚龍君之大功其德巍巍乎說者有習明有五戒文如左

訓導多慈心 天道為開冥 愛護釋憂患 功德流後生 道不負人功 患人不能營 奈何來運離 善士心伶俜 勤勤勸修善 過度惡災接 龍威功德大 惠澤荷天靈 濟活天下人 莫不受福榮 陽九既得免 百六亦夷平 枯邪被灑澤 煩濁見澄清 八威制命策 寶壽及帝瓊 悉是制毒章 威滅狩魔兵 龍王投河側 群龍出駭鳴 積善萬福降 長齋讚音聲 莫不從善來 咸致於上靈 福降如天雷 孽疴悉得聽

盲者並開見 啟者得起行 善者神所助  
 惡者鬼賊刑 道以善為本 德以信為明  
 慈孝天所愛 勸道命不傾  
 道君曰龍君之功重矣大矣可謂善哉善哉  
 者其乃宿勲天心莫不感焉況神真太真說  
 科戒之美矣道君語龍君曰汝承宿世功德  
 已顯乃為眾思及近勞動三寶之中功之表  
 也汝諦聽吾戒思惟吾言當復廣說大道元  
 始之法其言至要應所修行無限之善法  
 龍君言曰大善之行云何願聞思聽採當更  
 受戒言宣布十方勸進善心令不倦也於是  
 太上大道君答龍君曰又有一法行善道士  
 者其人相好備具得諸道真人寶經三皇洞  
 真人有太真大科丹簡墨錄并三皇玉清隱  
 書三皇文字恭清丹經飛石隱形靈妙童丹  
 之秘術亦其真也道之妙真天地元譜所記  
 其言明矣飛仙之要至矣重矣可不勤之善  
 修念也至道之言夫行至信之信本也大善  
 龜龜制御小乘之法宜禁之限也宜有節也  
 節之有所止其威也大乘之行觀乎一切一

切眾生三寶之功使其有漸也謂龍君有宿  
 功積德之行列有三十二戒法承三十二天  
 之儀戒法皆勸善之始也復有十六事進增  
 智慧顯布弘惠之勤何謂十六進增智邪施  
 善行眾齊具如真戒言無缺忍不應謂忍果  
 上精進致定諸行已具智慧信行悉已足  
 供事如道遊靜樂門前備六賢法最有十善  
 飾身口意德具操行知足樂靜之身三自勤  
 進修內外之善勸諸德行並修十六行法之  
 事應受梓福演大智心顯實功於大道之世  
 施弘布慧流化於後代也又復龍君有善智  
 慧之心二十二事亦令除徑之意存大乘之  
 志高且清也夫太清去濁事抑諸俗不言雜  
 事不行非法棄去邪惡欲諸智慧修行善法  
 者其道通焉其道大焉龍君之威已制已入  
 大乘況於太上者乎龍君復行二十二事能  
 進智踊能信順心不可當諸魔官屬并邪俗  
 外道降而却之何謂踊過於常人之我心心  
 志猛定志言所防必固強行不墮心不懈怠  
 也踊時正如天地威神威鬼威俗威偽威毒

威行威非威物八威之策故有所傳也威者  
 如大金剛堅固之行是謂道言龍君真人有  
 二十二踊法能有威罔致有踊剛之行致音  
 智慧之心一切眾魔及諸魔外邪外道不得  
 敢亡當龍君之踊制也道不虛行故有軌儀  
 道曰夫河海揚波太陽枯焦洪波四合與雲  
 造雨靜風止注役龍命真威振之時群龍驚  
 飛雲停霧聚開蕩宇內加潤早枯五香敷庭  
 正大道大明也大善之行可謂善哉  
 大道君曰龍君真人亦既施威錄召群龍時  
 當先祭勞大龍王醮河神風伯雨師又祝龍  
 詠河伯水神虞淵使者三過祝願身壽三日  
 臨河川流而頌詠此上篇盟文也祭醮盟誓  
 求命龍之時常亦未敢恭恪河伯五嶽四瀆  
 諸神也可謂天氣下降地氣上昇洪流之法  
 要須陰陽合德二儀相感四時順焉五嶽操  
 躬四海冥合河神操龍虞淵洞溢八門開通  
 也其道成焉功之大也  
 大元真人龍君曰已受四時灑澤命龍之法  
 有未見五明之化何謂五明一曰上洞無欲



之明二曰彼我心志之明三曰五達九合之明四曰智慧應機之明五曰遠瞻十方朗無礙達之明是為五明洞焉五明之照上承三皇五星之精次承五嶽四嶺之靈入承五香芝英之明五香之明絕海異邦一株五根一莖五枝一枝五葉一間五節五五相當故仙賢名之五香之木燒之十日上徹九皇之天有大慈之心德化之聖也

大道若又告龍君曰宣化善方若有好樂修喬求道之人有情信可修要道者乃可晉加授之以明法化之神則後賢有通明不絕之善義也於是龍君受命乃乘龍飛集虛淵龍池引將群龍來降到諸國普使天下須水旱者悉使依上篇經告誓醮水官河神之屬然後龍洞夫人當開池雲昇負水來灑注也

大道君曰命真人龍君以時使之非時所須依常自供給天仙飛仙官屬自各各常所給天官之羽儀非請時求雨水之事欲齋轉龍王經上下二篇使之音氣悲切向河水流之中誅之各七遍次法師讚梵唱善感使河神

感動群龍悲切者翳然赤身降見形於東西之方三日感至即白日揚光而夜明以通晴之感應也

大道君又命龍君真人曰若當欲齋值天大早遍地揚塵積月累日亢陽不澤者又應命召龍君告求雨施也依上篇盟文誦誦下篇七遍哀而美者天真龍君奮為之乘龍降矣依如上篇當誦誦之上篇下篇立一日一夕各得七遍祭醮河神龍君求建群龍飛入四海江河之中飛降昇上負水遊演彌布天中

洪注滂沱三日雨灑三夕先舉香燈續夜畫則雨施吹呼立至真正真所加無量枝條累柯堂堂聖王德行太吾昇登變通非常所盡命召甚難事竟速遣此龍君神化清靜灑澤之感非至精國主何便能致此降哉緬緬亮平非篤不矜

道真無上言並有四等行善功德之大者何為四行道曰如其修清靜為之一行也中志道心者二行也善化物得成爲三行也建功方便濟度衆生之命爲四行也夫修四功等

者何也哉且龍君真人曰乃有八直之行如行八威制召之命者皆從正道之心等為如非法之事故不使已善之賢見非法之科也入當明宣之宜善不普各由梵主不告諸弟子師之咎也師之責也

真人龍君曰亦聞道有三界何為三界進勤修德於虛無應行者於無色界已悉清淨得淨我性命亦能過法界法界淨故則數界淨數界淨故則無數界淨無數界淨故得三界淨三界淨故服識界淨服識界淨故意識界淨意識界淨故得空界淨空界淨故諸法界淨因是淨故則諸法淨淨如空空等淨故得衆生淨以諸淨故得衆生守以諸淨故便無其二亦不著二無二淨故則道清淨以斯言之清淨之上道矣

真人龍君又言道說亦無衆念亦不念道諸念為淨若如登上妙寂於彼永無是謂無門念應無所念無念道者亦無識念其道都無入乎冥冥行此無念無念道之至真矣若龍君真人欲行斯道清淨意者當明曉淨行亦

使其身口意清淨行生受氣也於無中而玄  
稟有也謂之生道道之根焉

真人龍君曰何謂身行至道言曰身行去來  
生法來無盡法現在景法終無盡法其無盡  
者是謂身行又復身法因緣合會其因緣老  
則空無想淡然無念如此之眇眇龍君今欲  
像之模法親身如斯之道不可不汲勤之焉  
得真道矣

大道君曰龍君真人若來是淨心生於有欲  
之界而在色界與諸天俱處衆梵之中安靜  
進止無躁動者是龍君真人能與諸天神人  
化導以權或生色界而欲界現而有象又與  
諸天念衆生周旋坐起不覺有勞拂之慢衆  
生賢德亦無自輕彼以斯行清淨諸定正心  
受之於上道莫不飛行於玄虛也

大道君曰夫真人已悉合自然之行恒有清  
淨之體行者斯其真大矣自執身已定復不  
隨止以定所生者故有進退之心非受真之  
謂之譬如無上真人教化之始亦有善權方  
便若道士志學晚解清淨飛行變化無方可

謂勤修道不負人

大道君曰又聞龍君真人教化之始以不習  
以求道習不習無習以想道習者故可以知  
道之行亦不習於望道之習亦本不求習了  
解者或自骨法已洞此元由也不習所生其  
向道習不習之行滅度亦無解死生之道習  
不習執念恒在道不亦明哉道將明哉  
至道言曰夫轉虛真三洞法輪無量龍經者  
亦奉龍歡踊龍君又言

其道不遠三五復反消暗見候求而召龍  
龍君一降嘯歌嗷嗷灑露早苗所請非衡  
虞洲河官五嶽高峯說法教化唯善為志  
孝慈蒸蒸天下無雙節法所造或悟以龍  
龍君一降莫不傾匡制菓召真并得魔王  
萬鬼滅景遂神曲躬斷絕五道昇舉高嵩  
弄出香文教導童叟澆水金符赫奕寶章  
左帶六甲右佩印章唯念三寶執在心曾  
志道勤齋何問飛空飛空道長長訓從容  
道若非習得何忽與習想求道歸空無  
時須立形像惠人志不堅是故出障景

不樂求道習 蕩除諸穢煉 真道都無習  
清淨却魁魁 若有起習者 精誠奇可常  
道云無我念 我念絕無形 絕念從虛來  
虛來有實生 子能修善化 善化致真靈  
誰知真道貴 金丹在子形 養育玄邕下  
壽命延且長 何為營短命 不肯脫元精  
元精甚易知 安存玄妙城 間關日月下  
鳴鐘會吏兵 誰能解悟然 在想三元庭  
不解求吾道 反為災所刑 身滅乃山峯  
毀辱敗道名 何不修善直 萬歲免飄零

但患功不積 不患積不成 大道不虛言  
恐子羅羅撰 故開三洞寶 勸爾養長軍  
過度五難苦 仙衆之皇庭 吾我自相知  
誰知真可聆

龍君真人曰吾受太上太帝之道躬慕無上  
正真之法以勤營善直損已布施爾欲度身  
必先度人爾欲成身必先成人爾欲自貴必  
先貴人爾欲自敬必先敬人爾欲自立必先  
立人爾欲自躬必先躬人爾欲自師必先師  
人爾欲自營必先營人爾欲自濟必先濟人

爾欲自達必先達人爾欲自通必先通人爾欲自樂必先樂人爾欲自飽必先飽人爾欲自饒必先饒人爾欲自先必須先人爾欲自政必先政人爾欲自定必先定人爾欲自慈必先慈人爾欲自孝必先孝人謙躬勤身和顏晨夕禮侍我尊見他尊老人敬如我老專心存口念道恒願躬禮動易味使甘進不離於晨昏寒暄不先衣當先衣老人行此十八善應徹於上天有財不藏蓄開倉惠窮人年出數千斛悉以救困貧龍君少行此感悟於上天上天須忠孝命盡得申延益十倍算命過龍來迎積善孝所致慈心多惠窮龍驕實難領拜之為龍君昇降適其意遊詠任所兼化別見形變景靡不通亦為眾說法戒悟後學童為行多慈念見賢靡不恭上聖補真人方始化世間功成遊四海五嶽遍周旋得仙道遺名行積於後代化悟於後賢世末多災橫動齋以度身若能養三命道鍊於三元端坐思吾道遊宴於崑崙未能昇玄虛且樂遊地仙不羨人間樂遊遊五嶽巔然後鍊

金液飛昇造皇乾何不勤修齊倫達世俗間百鬼所攻伐恐虧天命年年念善相續施惠救窮人天道不虛戒勸子作善緣為善惠不久積德福命延  
太上洞玄靈寶八威召龍妙經卷下



五經同卷

- 太上洞淵說請兩龍王經
- 太上召諸神龍安鎮墳墓經
- 太上靈寶補謝寔王經
- 太上說利益蠶王妙經
- 太上說牛癩妙經

乃九

太上洞淵說請兩龍王經  
道君昔於三天之上以觀世界伏見諸天諸地疫氣流行人多疾病國土災旱五穀不熟兩雨三三其如何計爾時  
天尊乘五色雲來臨國土大作神通變見光明與諸天龍王仙童玉女七千二百餘人宣揚正法普救眾生天注洪流應時甘澗汝等眾生不信殃沈九祖幽冤苦異名係鬼官之中百劫千生終無出日若能動心受持讚誦功德深遠人民無災各各延壽長年無有中